

UGOVOR
O JAVNOJ NABAVCI USLUGA
– štampanje –

Zaključen u Sarajevu, nakon okončanog postupka javne nabavke u predmetu nabavke usluge štampanja - Monografije, putem direktnog sporazuma, na osnovu Obavještenja o prihvatanju ponude direktora Ureda za zakonodavstvo Vijeća ministara Bosne i Hercegovine, broj: 02-16-3-1118-7/24 od 13.12.2024. godine, I Z M E Đ U:

Ureda za zakonodavstvo Vijeća ministara Bosne i Hercegovine sa sjedištem u Sarajevu, ul. Trg BiH broj 1, ID broj: 4201077230009 (u daljnjem tekstu: **Naručilac**), koga zastupa direktor mr. Džemail Ćibo, i

Firme „Dobra knjiga d.o.o.“ sa sjedištem u Hrasnici, Put Famosa 38, 71000 Sarajevo, ID broj: 4201126620004 (u daljnjem tekstu: Izvršilac), koju zastupa vlasnik Izedin Šikalo.

Naručilac i Izvršilac u tekstu ovog Ugovora zajedno se označavaju kao **Ugovorne strane**

Član 1.

Predmet ovog Ugovora je nabavka usluga – štampanje Monografije - prema specifikacijama naznačenim u Pozivu Naručioca za dostavljanje ponude, broj: 02-16-3-1118-3/24 od 03.12.2024. godine, te Ponuđačeve Ponude od 11.12.2024. godine (u daljnjem tekstu: Ponuda), koja je sastavni dio ovog Ugovora.

Član 2.

- (1) Izvršilac se obavezuje izvršiti usluge iz člana 1. ovog Ugovora Naručiocu, a Naručilac se obavezuje platiti iste usluge po cijeni i uslovima iz Ponude, u iznosu od 6.555,51 KM sa PDV-om.
- (2) Prodajna cijena podrazumijeva izvršavanje usluga prema Ponudi Izvršioca.
- (3) Cijena navedena u ovom Ugovoru ne može se mijenjati i mora odgovarati pojedinačnim cijenama usluga iz Ponude.

Član 3.

Izvršilac se obavezuje da kvalitetno, stručno i na vrijeme izvrši usluge iz člana 1. ovog Ugovora.

Član 4.

Plaćanje usluge iz člana 1. ovog Ugovora, Naručilac će izvršiti u roku od 15 dana od dana prijema fakture od strane Izvršioca.

Član 5.

Izvršilac je obavezan da otkloni sve eventualne nedostatke u vršenju usluga u roku od 24 sata.

Član 6.

- (1) Ugovorne strane mogu ovaj Ugovor raskinuti i prije njegovog isteka ukoliko se jedna strana ne bude pridržavala odredaba ovog Ugovora, uz prethodno izmirenje svih obaveza utvrđenih po osnovu ovog Ugovora.
- (2) Otkazni rok po ovom Ugovoru je 5 (pet) dana, a po isteku ovog roka Ugovor se smatra raskinutim.

Član 7.

Svi eventualni nesporazumi do kojih dođe u realizaciji ovog Ugovora koji se ne mogu riješiti sporazumno, rješavat će se pred Sudom Bosne i Hercegovine.

Član 8.

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 9.

Ugovor stupa na snagu danom potpisivanja obje ugovorne strane.

Član 10.

Ovaj Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.

Naručilac:



mr. Džemail Čibo, direktor

Broj: 02-16-3-1118-8/24
Datum: 16.12.2024. godine

Izvršilac:



Izedin Šikalo, vlasnik

Broj: 168/24
Datum: 16.12.2024.